





情種卷四

秋士宋存標 字子建

負情儂傳

王仲雍懊恨曲曰常恨負情儂郎今果行許作負情儂傳

萬曆間浙東李生系某藩臬子入貲遊非雍與教坊女郎杜十娘情好最殷往來經年李貲告匱女郎母頗以生頻來為厭然而兩人交益歡女姿態為平康絕代兼以管絃歌舞妙出一時長安少年所藉以代花月者也母苦留連始以言辭挑怒李恭謹如初已而聲色競巖女益不堪誓以身歸李生母自揣女非



知已哉

已出而故事教坊落籍。非數百金不可。且熟知李囊恨事無一錢。思有以困之。令媿不辨。庶日忘去。乃戟掌詬女曰。汝能聳郎君措三百金。界老身。東西南北。惟汝所之。女郎慨然曰。李郎雖落魄。旅邸辦三百金。不難。顧金不易聚。倘全具。而母負約奈何。母策李郎窮途侮之。指燭中花笑曰。李郎若携金以入。婢子可隨郎君而出。燭之生花。識郎之得女也。遂相與要言。而散女。至夜半。悲啼謂李生曰。郎君遊費固不足。謀妾身。然亦有意於交親中。得緩急乎。李驚喜曰。唯唯。向

非無心第。未敢言耳。明日故為束裝狀。遍辭親知。多方乞貸。親知咸以生沉湎狹斜。積有日月。忽欲南轅。半疑涉妄。且李生之父。怒生飄零。作書絕其歸路。今若貸之。非惟無所徵德。且索負無從。皆援引支吾。生因循經月。空手來見女。中夜嘆曰。郎君果不能辦一錢耶。妾褥中有碎金百五十兩。向綠線裹絮中。明日令平頭密持去。以次付媽。外此非妾所辦。奈何。生驚喜珍重。持褥而去。因出褥中金。語親知。親知憫杜之有心。毅然各歛金付生。僅得百兩。生泣謂女。吾道窮



矣。顧安所措五十金乎。女雀躍曰。毋憂。明日妾從鄰  
家姊妹中謀之。至期果得五十金。合金而進。媽欲負  
約。女悲啼向媽曰。母曩責郎君三百金。金具而母食  
言。郎持金去。女從此死矣。母懼人。金俱亡。乃曰。如約。  
第自頂至踵寸珥尺素。非汝有也。女忻然從命。明日  
禿髻布衣。從生出門。過院中。諸姊妹作別。諸姊妹感  
感激泣。下曰。十娘爲一時風流領袖。今從郎君。藍縷  
出院門。豈非姊妹羞乎。於是人各贈以所携。須臾之  
間。簪彊衣履煥然一新矣。諸姊妹復相謂曰。郎君與

下應人盡  
泣盡心

姊千里間關。而行李曾無約束。復合贈以一箱。箱中  
之盈虛。生不能知。女亦若爲不知也。者日暮。諸姊妹  
各相與揮淚而別。女郎就生逆旅。四壁蕭然。生但兩  
目瞪視几案而已。女脫左膊生絹。擲朱提二十兩。曰。  
持此爲舟車資。明日生辦輿馬出崇文門。至潞河。附  
奉使船。抵船而金已盡。女復露右臂。生綃出三十金。  
曰。此可以謀食矣。生頻承不測。快幸遭逢。於時自秋  
涉冬。嗷來鴻之寡儔。詘遊魚之乏比。誓白頭則皎露  
爲霜。指赤心則丹楓交炙。喜可知也。行及瓜州。舍使



新安人亦復不惡天也

者。餘。艦。別。賃。小。舟。明。日。欲。渡。是。夜。璧。月。盈。江。練。飛。鏡。  
寫。生。謂。女。曰。自。出。都。門。便。埋。頭。項。今。夕。專。舟。復。何。顧。  
忌。且。江。南。水。月。何。如。塞。北。風。煙。顧。作。此。寂。寂。乎。女。亦。  
以。久。淹。形。迹。悲。關。山。之。迢。遞。感。江。月。之。交。流。乃。與。生。  
携。手。月。中。跌。坐。船。首。生。興。發。執。卮。倩。女。清。歌。少。酬。江。  
月。女。宛。轉。微。吟。忽。焉。入。調。烏。啼。猿。咽。不。足。以。喻。其。悲。  
也。有。隣。舟。少。年。者。積。鹽。維。陽。歲。暮。將。歸。新。安。年。僅。二。  
十。左。右。青。樓。中。推。爲。輕。薄。祭。酒。酒。酣。聞。曲。神。情。欲。飛。  
而。音。響。已。寂。遂。通。宵。不。寐。黎。明。而。風。雪。阻。渡。新。安。人。

事敗矣

辨才

太狼

物。色。生。舟。知。中。有。尤。物。乃。貂。帽。復。綯。弄。形。顧。影。微。有。  
所。窺。因。叩。艇。而。歌。生。推。篷。四。顧。雪。色。森。然。新。安。人。呼。  
生。綢。繆。即。邀。生。上。岸。至。酒。肆。論。心。酒。酣。微。叩。公。子。昨。  
夜。清。歌。爲。誰。生。具。以。實。對。復。問。公。子。渡。江。即。歸。故。鄉。  
乎。生。慘。然。告。以。難。歸。之。故。麗。人。將。邀。我。于。吳。越。山。水。  
之。間。杯。酒。纏。綿。無。端。盡。吐。情。實。新。安。人。愀。然。謂。公。子。  
旅。靡。蕪。而。挾。桃。李。不。聞。明。珠。委。路。有。力。交。爭。乎。且。江。  
南。之。人。最。工。輕。薄。情。之。所。鍾。不。敢。愛。歟。即。鄙。心。時。時。  
萌。之。况。麗。人。之。才。素。行。不。測。焉。知。不。借。君。以。爲。梯。航。



而密踐他約於前途則震澤之烟波錢塘之風浪魚腹鯨齒乃公子之一杯三尺也抑愚聞之父與色孰親歡與害孰切願公子之孰思也生始愁眉曰然則奈何日愚有至計其便於公子然而願公子不能行也公子曰為計奈何客曰公子誠能割厭餘之愛僕雖不敏願上千金為公子壽得千金則可以歸報尊君舍麗人則可以道路無恐幸公子熟思之生既飄零有年携形挈影雖駕樹之詛生歿磨他而燕幕之棲進退惟谷燕藩狐濟既猜月而疑雲燕啄龍聚更

何如  
燕市  
擊筑  
時  
十娘  
乃大  
英雄

悲魂而啼夢乃低首沉思辭以歸而謀諸婦遂與新安人携手下船各歸舟次女挑燈候生小飲生目動齒濕終不出辭相與擁被而寢至夜半生悲啼不已女急起坐抱持之曰妾與郎君處情境幾三年行數千里未嘗哀痛今日渡江正當為百年歡笑忽作此面向人妾所不解抑聲有離音何也生言隨涕與悲因情重既吐顛末涕泣如前女始解抱謂李生日誰為足下畫此策者乃大英雄也郎得千金可覲二親妾得從人無累行李發乎情止乎禮義賢哉其兩得



之矣。顧金安在。生對以未審卿意云何。金尚在。是人  
篋內女曰。明蚤亟過諾之。然千金重事也。須金入足。  
下篋中。妾始至。是人舟內。時夜已過半。即請起為艷。  
粧曰。今日之粧。迎新送舊者也。不可不工。計妝畢而  
天亦就曙矣。新安人已刺船。李生舟前得女郎信。大  
喜曰。請麗人妝臺為信。女忻然謂李生。昇之。即索新  
安人聘貲。過船。衡之無爽。於是女郎起自舟中。據舷  
謂新安人曰。頃所携妝臺中有李郎路引。可速檢還。  
新安人急如命。女郎使李生抽某一箱來。皆集鳳翠

天吃  
晚矣

季郎  
不竟  
如  
新安  
入

霓。悉投水中。約值數百金。李生與輕薄子及兩船人  
始競大吃。又指生抽一箱。悉翠羽明璫。玉簫金管也。  
值幾千金。又投之。江復令生抽出某革囊。盡古玉紫  
金之玩。世所罕有。其價蓋不貲云。亦投之。最後甚生  
抽一匣出。則夜明之珠。盈把。舟中人一一大駭。喧聲  
驚集市人。女郎又欲投之。江。李生不覺大悔。抱女郎  
慟哭止之。雖新安人亦來勸解。女郎推生于側。而啐  
詈新安人曰。汝聞歌蕩情。遂代鶯弄舌。不顧神天。剪  
綆落甌。使妾將骨。殷血碧。自恨弱質。不能抽刀向儂。



乃復貪財。強來縈抱。何異狂犬。方事趨風。更欲爭骨。  
妾。歿。有。靈。當。訴。之。明。神。不。日。奪。汝。人。面。且。妾。藏。辰。詒。  
影。託。諸。姊妹。蘊。藏。奇。貨。將。資。李。郎。歸。見。父。母。也。今。畜。  
我。不。卒。而。故。暴。揚。之。者。欲。人。知。李。郎。眶。中。無。瞳。耳。妾。  
爲。李。郎。湔。眼。幾。枯。翕。魂。屢。散。事。幸。粗。成。不。念。攜。手。而。  
倏。溺。笙。簧。畏。行。多。露。一。朝。棄。捐。輕。于。殘。汁。顧。乃。婪。此。  
殘。膏。欲。收。覆。水。妾。更。何。顏。而。聽。其。挽。鼻。今。生。已。矣。東。  
海。沙。明。西。華。黍。壘。此。恨。糾。纏。寧。有。盡。耶。於。是。舟。中。崖。  
上。觀。者。無。不。流。涕。詈。李。生。爲。負。心。人。而。女。郎。已。持。明。

珠。赴。江。水。不。起。矣。當。是。時。目。擊。之。人。皆。欲。爭。毆。新。安。  
人。及。李。生。李。生。暨。新。安。人。各。鼓。船。分。道。逃。去。不。知。所。  
之。

居士曰噫。若女郎亦何愧于政所稱烈女哉。雖深  
閨之秀。其貞奚以加焉。○十娘是杜秋現身。李生  
是李珣餘孽。○新安人天下有情人也。其說李郎  
也。口如河。其識十娘也。目如電。惜十娘之早遇李  
生。而不遇新安人也。使其遇之。雖文君之與相如。  
歡如是耳。雖然。女不歿。不俠。不痴。不情。于十娘又



何憾焉。

吳中孝子

姑蘇一賣酒人有母寡居其人復作客于三吳妻與姑不相能乃佯疾而今其姑當鑪陰謂媒者曰姑不安於娶當鑪以擇字媒乃引武康人託沽酒而觀之姑時年四十容未甚謝衣髻頗潔武康人亦欲爲子擇保母弗論色也出五金令媒授其家婦受金謂媒者曰姑羞此出某日可密具舟至儂家後門便速下來慎勿爲隣人所覺至期船泊後門矣婦給姑曰第三姑駕艇來迎日云悶悶當到荒郊一豁第湖中多



盜。簪。衣。不。必。盡。行。數。日。後。便。催。阿。郎。接。歸。姑。苦。婦。節。制。快。與。愛。女。傾。懷。不。假。思。惟。向。船。輒。下。已。而。出。入。湖。中。四。顧。崖。曲。皆。非。昔。年。送。女。故。道。船。中。人。又。不。相。識。向。晚。進。食。畧。無。動。靜。疑。慮。萬。端。竟。夕。不。枕。明。抵。一。村。風。景。門。戶。頃。殊。異。會。矣。姑。遑。愕。伸。頭。轉。顧。船。尾。謂。操。櫓。者。曰。何。以。至。此。舟。中。人。皆。掩。面。相。笑。姑。知。爲。婦。所。弄。頓。足。叫。號。據。舷。欲。跳。主。人。翁。遙。謂。之。曰。媪。家。言。媪。欲。作。此。今。不。爾。邪。老。夫。家。二。孫。欲。屈。媪。旦。夕。之。任。人。生。良。難。歎。無。益。也。媪。感。悟。拭。淚。就。撫。二。兒。主。家。憐。媪。

遭。逢。勿。役。以。事。歲。時。衣。食。不。告。而。豐。兼。脫。惡。婦。之。手。竟。忘。家。矣。其。子。客。歸。問。母。所。在。婦。詬。之。曰。好。兒。子。儂。娘。作。夜。度。娘。不。知。也。忿。而。問。諸。鄰。則。曰。某。月。某。日。扁。舟。他。去。矣。其。子。雖。疑。其。妻。而。苦。無。形。迹。踰。年。客。武。康。道。出。山。中。見。一。媪。就。石。搗。衣。疑。其。狀。貌。不。覺。心。動。逼。而。視。之。乃。是。其。母。猶。持。痛。哭。母。語。以。故。且。曰。吾。耻。北。歸。百。年。之。後。累。汝。一。杯。南。向。子。曰。母。但。良。食。歸。在。月。終。耳。至。家。畧。不。言。客。武。康。一。日。謂。婦。曰。汝。常。欲。燒。香。虞。山。我。三。日。內。頗。間。過。此。不。得。矣。其。妻。歎。然。束。裝。明。



晨攬衣拂鏡。捲簾待夫。買香不至。子甲交額袖中。夫  
剛到門。婦倒扇柄敲門板曰。身欲早去。何不助人敬  
佛如此。夫携之下船。婦小時歲至虞山。至是忽驚巨  
浸。其夫笑問之曰。每言此路曾經。今復憶昔年否。婦  
人耻于不知。以手挽鏡鼻曰。青髻幾時。遂爾桑海。蓋  
疑夫故出他道。戲之也。及至晚不到。益疑夫甚。徐曰。  
愁對錦鴛鴦。殊思白鸚鵡。乃閉目促夫搖船。燈前手  
轉菩提。口念彌陀。不置。明日抵一山中。夫謂之曰。我  
起置章疏岸上。多惡少年。勿得露面。婦人許諾。至主

人門。翁他出矣。有二郎在。謂之曰。尊君所置姑蘇老  
媪。實下人母。遭不孝婦。得充貴宅。掃除願以少而美  
者。易之二郎。欣然曰。少而美者。得就見乎。其人曰。可  
幸出我母于門。以便相易。至舟中。呼婦曰。起。婦人以  
夫久不下。顧叩舟人曰。此去虞山頭幾許。舟人不解。  
漫應曰。三百里。及夫至。罵曰。非千里馬。二時往返。六  
百里耶。相携到門。遙見姑身。始長跪伏罪。其人曰。汝  
當留善事後。人此真桑田變滄海也。二郎見婦人顏  
態。儘工輕薄。乃受其婦而還其母。



居士曰廢人喜述此事蓋以其處變不擾也。

珠衫

楚中賈人某者年二十三妻甚美其人客粵家近市樓居婦人嘗當窓垂簾臨外忽見美男子貌類其夫乃啓簾潛眄是人當其視謂有好于已目攝之婦人發赤下簾男子新安人客二年矣舉體若狂意欲達誠而苦無自思曾與市東鬻珠老媪相識乃因鬻珠而告之媪曰老婦未嘗與娘子會面雅命所不敢承其人出白金百兩黃金數錠置案上揖而跪曰旦夕歿矣案上二色敬爲姥壽事成謝當倍此媪驚喜

此姥  
不  
下  
意  
益  
如  
也



諾曰。郎君第俟旅中。因此階進。期在合歡。勿計歲月也。其人慇懃而返。媪因選囊中大珠。并簪珥之珍異者。明旦至新安人肆中。肆戶正當娘子樓前。媪伴與新安人交易良久。於日中照弄珠色。把挿搔頭。市人競觀。喧笑聲徹。婦所。婦登樓竊窺。即命侍兒招媪。媪抗新安人。金曰。不賣。不賣。阿郎好纏人。如爾價。老婦賣多時也。收貨入筭。便過樓與婦作禮。曰。老婦久同里曲。知娘子饒此。此數物是老眼中奇樓下人高下不情。想未有女郎者。老身適有他事。煩爲收拾。少間

徐來等論。匆匆下樓。過數日不至。一日雨中。媪來曰。老身愛女有事。數日奔走。負期。今日雨中。請觀一切。纓絡燦却窮睛。婦人出篋中種種奇紗。老媪宣嘆不一。形容旣畢。婦綜核媪貨。酬之有方。媪喜曰。如尊意所衡。餘魄無憾。婦復請遲價之半。以俟夫歸。媪曰。鄰居復相疑耶。婦旣喜。價輕復。幸半賒。留之飲酌。媪機穎巧捷。彼此惟恨相知之晚。明日媪攜酌過。傾倒極歡。自此婦日不能無媪矣。媪自言老身家雜。此中大幽。請攜以作伴。爲鬱金侍兒。婦喜曰。妾不敢邀。謹拭



流蘇以待。是夕媼遂移宿。兩牀相向。嗽語相聞。轉動。偏側侍兒別寢一房。媼携榼挈壺。靡夕不至。宵言藜。句蕩雨沉烟。新安人數問媼期。輒曰未未。及至秋月。過謂媼曰。初謀柳下。條葉未黃。約及垂陰。子已成實。過此漸秃。行將白雪。侵枝矣。媼曰。今夕隨老身入。須着精神。成敗係此。不然虛廢半年也。因授之計。媼每夜黑至婦家。是夕陰與新安人同入。而伏之寢門之外。媼與婦酌于房。雨聲甚戚。笑劇加殷。媼強侍兒酒。侍兒不勝醉。臥他所。適有飛蛾嗡嗡梁上。婦仰視之。

媼即以扇撲燈。曰。唉。燈滅。老身自出點燈。因携其人入寢。復佯笑曰。忘携燭去。則暗置其人於已牀上下。帳蔽之火。至其人。以被蒙頭。媼與婦復酌許久。各已微酣。語言無禁。解衣登牀。媼自言少時初婚情狀。因問娘子如此否。婦大笑不答。媼復以淫語挑之。良久。媼知其情已蕩。乃曰。老身更有最關情者。須自至枕上。言乃挾其人上婦牀。婦以爲媼也。啓被撫其身。曰。姥體滑如是。其人不。言騰身而上。婦已神狂聽其輕薄而已。自是之後。恩踰夫婦。奄逾夏初。新安人結伴。



欲返流涕謂婦曰。別後煩思。乞一物以當會面。婦人開箱檢珠衫一件。自提領袖。爲其人服之。曰。道路苦熱。極生清涼。幸爲君裏衣。如妾得近體也。其人受之。極歡而起。計此人所贈珠玉。已千金矣。明日別去。相約明年共載他往。新安人自慶極遇。於路視衣。輒生涕泗。雖秋極不勝。未嘗離去。左右是年爲事所梗。明年復客粵。因携珠衫而往。旅次適與楚人同館。相得頗歡。戲道生平隱事。新安人自言曾於君鄉遇一婦如此。蓋楚人外氏故客粵中。主人皆外氏舊交。故楚

人假外氏姓名作客。新安人無自物色也。楚人內驚。佯不信。曰。亦有證乎。新安人出珠衣泣曰。歡所贈也。君歸囊之。便幸作書郵楚人。辭曰。僕之中表。不敢得罪。新安人亦悔失言。收衣謝過。楚人貨盡歸家。謂婦曰。適經汝門。汝母病甚。渴欲見汝。我已覓轎門前。便當速去。復授一簡書。曰。此料理後事語。至家與阿父相聞。我初歸不及。便來。婦人至母家。視母顏色。初無恙。因大驚。發函視之。則離婚書也。闔門憤慟。不知所出。婦人父至婿家。請故婿。曰。第還珠衫。則復相見。父



歸述婚語。婦人內慙欲死。父母不詳其事。姑慰解之。暮年有吳中進士官粵。過楚擇妾。媒以婦對。進士出五十金致之。婦人家告前婚。婚檢婦人房中大小十六箱。皆金帛寶珠。封畀妻去。聞者莫不驚嗟。居暮年。楚人復容粵。因繼室于粵。携室將歸。與主人筭貨。不直。主人翁就勢披之。翁仆地暴死。二子訟之。官。官即進士也。夜深張燈檢狀。妾侍于傍。見前夫名氏。哭曰。是妾舅氏。今遭不幸。願憐箕箒。丐以生還。官曰。獄將成矣。婦人長跪請死。官曰。起。徐當處分。明日欲出。復

此復  
合之  
根

泣曰。事若不諧。生勿得見矣。官出視事。謂二子曰。若父傷未形。須刷骨一驗。適欲見官。他縣屍可移置漏澤園。俟還時為汝商驗。二子家累千金。耻白父骨。且年踰耳順。什損難稽。若欲罪楚人。必虧父體。叩頭言。父歿狀甚張。無煩剔剜。官曰。不見傷痕。何以律罪。二子懇請如前。官曰。我有一言。足雪若憾。若能聽否。三子咸請唯命。官曰。令楚人服斬衰。呼若父為父。葬祭責其經紀。執拂躡躅。一隨若行。若父快否。二子叩頭曰。如命。舉問楚人。楚人喜于拯死。亦頓首如命。事畢。



官乃召楚人與妾相見。男女合抱，痛哭踰情。官察其有異，曰：「若非舅甥，當以實告。」同辭對曰：「前夫前婦，官垂淚謂楚人曰：『我不忍見若狀，可便移歸。』」出前所携十六廂，還婦且護之出境。或曰：「新安人客粵，遭盜劫，負債不得還，愁忿病劇，乃召其妻至粵，就家。妻至會夫已物故，楚人所置後室，即新安人妻也。」居士曰：「若此，則天道太近，世無非理人矣。」此新珠衫也。坊間有舊刻，得此後來居上。

### 耿三郎

耿三者，楚中人也。矜其智能，不屑經生技好，遠遊常遊洛陽，出城於樹下，逢壯夫飲馬箕踞而坐，意度非常。耿下馬問其所往，云欲至滎澤。耿遂請同行。於路常談，不能測也。既至縣，復問所行，曰：「將抵鄭州。」耿願自鄭返於洛陽。是人曰：「吾欲至東門，少時卿可待我於西郊。」耿陽許諾，俟其行尾之。而東見入大典，須臾便出一人，攜巨囊送之。整頓鞍轡，禮如家奴。耿潛小巷，見其已過，卽捉典人臂，問頃者馬上何人。典人涕



泣曰。當爲郎君言。我陝人也。行販沒于河。貧無以爲。歸。典衣貨。柿爲業。偶市于向人。視我再三。曰。子可爲千金之商。奈何至此。余曰。向固以七。百金販者也。曰。如欲復商。可書千金之契來。余意其詐。謝不敢當。笑曰。子失路人也。何忍相賣。乃畀之契。收契畢。攜至一舖中。謂主人曰。某年起至某年息。可悉檢出。主人隨年相付。封題極週。如數。日前豫囑者。因以授余。且曰。河北若干貨。收之。販河內。利約幾何。河內河中貨。賣於江北。利約幾何。一年之間。當獲子金二千。明年於

鄭州置典。每年封三百金之息。以俟吾不時之需。今日之所携者。五年之息也。耿曰。何不少負之。曰。非惟不忍負見其如此。亦不敢負也。耿至西郊。是人已在。亦無異色。夜宿店中。耿張具作別。飲酒甚歡。喟然語耿曰。時當太平。吾輩可爲樂矣。耿因進說曰。余觀天下之才。足當一面。設以總戎相屈。亦降志乎。對曰。吾未能必。吾之低眉。耿曰。總戎所低眉者。大司馬而已。曰。伍長之所低眉者。百長而已。耿心動。不敢深叩。明日分道而別。數夕之內。惟聞其中夜長嘆。他無甚奇。



也。自是耿志意索然。不敢妄意非分矣。

居士曰、余觀沛公當貧賤之日。直一無賴酒徒。及操權勢以爭天下。亦在有意無意之間。信乎其困也。若魚龍之夜奮也。若握珠在雲。何至若耿三擾擾中原而不知所稅駕也。余獨怪夫不逞之徒。幸天下有事。傳曰始禍者死。此異人所以不敢爲天下先也。或者比之虬髯之流。余獨以爲不然大國之卿。當小國之君。衛吾溫原也。彼扶餘之君。亦唐鎮一節度。曷足與文皇相頡頏。且度其志。不至於

有成不已。亦其器畧使然。豈若異人隱姓名。匿鱗甲。舉世莫能想象。其英雄之氣。誠勃勃不能爲人下者。庶乎薄大寶而不御者矣。非耿三孰能物色之乎。經曰。機在日。有心之日。良可畏也。



李福達

世廟時起大獄。而李福達竟亡命來吳中。抵常州楊氏館。七郎家酒間。輒喚屏風上美人下地歌舞。獨留一人守屏上。七郎兄六郎鄉居。疑其術。抵城觀狀。見李曾前有黃綃囊。雖盛暑勿脫。六郎誘之浴于河。亟使人竊去。李上岸見囊失。笑曰。我當令偷兒自獻。怡然整衣冠。於座握固。須臾有人垂兩睛於睫外。而獻其囊。則向戲竊人也。六郎驚起謝李。使人自納其睛。須臾復故。它日六郎別去。李謂七郎君家兄無賴。若



許我作主人數日。怨亦可解。時夜值中秋。璧月如鏡。李忽拔簷下一瓦。出三寸許。復就座飲。諸人不解。所以叩之不應。歡飲月中。幾天明散。明晨七郎拉李及諸客同抵六郎家。相與談昨夜事。六郎曰。先數日期。諸親知大集。昨宵不意初筵。忽大風雨起。終席昏迷。諸客皆狼狽散。至今陰翳不開。七郎與諸客俱大咤。我輩昨夜月最光明也。李笑問。今夜復須月乎。合座競懇李仰天向空拂袖。雲忽開。露清光皎然。當昏翳時。六郎居傍大池水。忽涸。池傍人夜闢若數百夫輪。

水聲。郡倉後有潭。深不可測。中有異物。人浴淺沙。常牽下不起。徃徃殃及牛馬。風雨人不敢過。恐爲所攫。食也。相傳老蛟爲魅。荆太守倩李捕蛟。李邀荆同往。命太守變童持符抵水。使君請易他人。李固云。非此兒不可。太守氣攝不前。而變童已握蛟出水。上矣。蛟跳水面甚巨。李呪之。小至太守前。僅五尺耳。李禹步殺蛟。付厨中作鮓。怪始帖然。嗣餐金闈。王文恪長郎飲之于舟。由胥口經莫釐。每一饌畢。必向水投其器。玉杯金筯爲之一空。王知其異。龜不爲動。頃之舟中。



買魚作羹。剖腹悉是酒。具至於流。蓋盥手。莫不有得。夜檢所投。百不一失。華亭朱蘆溪尚書延之。至家居。月餘。尚書戲令作主人。李一無所辦。第邀尚書至園。亭入座。須臾窮極豐腴。咸自空來。已而尚書歸第。家人云。今日諸女郎醜飲。群珍方調。以次失去。尚書笑。叩所失一一皆筵上物也。諸女郎恨李作惡相。與大詬。李自是俟厨中饌熟。必分取其半。閨中愈忿。邀尚書勸之去。尚書置酒作別。李欣然引滿就道。去數日復來如故。諸婢妾益厭苦李。時時聲言夙駕。諸女郎

幸其長往。輒質簪珥。錢行。惟尚書聽其來去。李一日謂尚書代我辦裝。我將至燕。臨行邀二紀綱作伴。數月奴送李抵燕而歸。諸婢妾方慶。息肩明日侍尚書。登山上臺賞花。方樂。李忽從天而下。諸女郎無不驚駭。鳥獸散。尚書不得已與之盡歡。復客經年而去。返自吳門。為從奴所告。官繫之獄。枷鎖不能加。加便落去。獄中人日沽酒殺無不醉飽。獄吏甚懼。李啖之。有加。加會。在赦前。止謫戍滇中。故事從軍必令兩人與俱。以防逸去。李謂二人若欲至滇。取符驗耳。第歸家三



月○後○俟○我○于○玄○妙○觀○前○毋○苦○碌○碌○馬○蹄○間○也○兩○人○欲  
不○從○又○畏○李○叵○測○低○回○別○去○三○月○之○內○時○聞○李○在○酒  
家○胡○及○諸○貴○人○座○中○耳○及○期○而○往○則○已○在○門○矣○李○令  
應○門○語○道○官○某○甲○道○官○知○其○平○生○使○童○子○辭○以○不○在  
李○大○詈○曰○而○師○方○坐○某○閣○中○東○嚮○誦○玉○皇○經○至○某○卷  
某○行○第○某○字○奈○何○誑○我○童○子○走○入○述○其○言○道○官○驚○起  
延○之○入○李○令○掃○除○二○室○亟○殺○鷄○沽○酒○飲○二○役○而○身○入  
淨○室○扃○之○甚○密○雖○窓○隙○亦○令○塞○却○二○人○別○寢○間○壁○聞  
如○數○騎○馳○驟○徹○夜○明○晨○啓○扃○符○在○手○矣○授○二○人○竟○去

遂○抵○京○口○寓○故○逆○旅○主○人○主○人○心○知○其○異○不○敢○辭○也  
款○接○極○愜○中○夜○送○之○就○寢○李○扃○戶○秉○燭○而○坐○主○人○密  
使○人○從○梁○間○窺○但○見○李○冠○僕○頭○衣○黃○袍○南○坐○握○固○轉  
睫○間○有○甲○士○牽○叛○奴○來○立○於○李○座○前○坎○中○坎○約○深○四  
五○寸○叛○奴○都○無○一○言○惟○漸○漸○短○去○如○火○燭○膏○食○頃○頭  
顱○俱○沒○坎○中○李○徐○起○滅○燭○就○寢○主○人○合○門○股○栗○至○曉  
復○具○朝○餐○送○之○渡○江○而○別  
居○士○曰○變○童○持○符○驚○殺○太○守○女○郎○作○惡○笑○殺○尚○書  
善○戲○謔○今○不○爲○虐○今○則○福○達○之○謂○也



楊幽妍別傳

幽妍小字勝兒。生母劉行一。在南院。負艷聲。早歲落籍。去嗣陳氏。陳之姨董四娘。挈往金閭。習吳語。遂善吳。歛董笑曰。是兒甫八歲。如小燕新鶯。不知誰家郎。有福。歿此。雛手陳歿。撫於楊媪。媪奇嚴。課書課繡。課彈碁。玅有夙解。不督而能。女兄弟多方狡獪。嘲弄吟侮。終不能勾其一粲也。庚申。楊媪避難吳越。載幽妍與俱。年已破瓜矣。薄倖難嫁。有心未逢。俯首叩膺。形于咏嘆。一日遇張聖清於秀林山之屯雲館。群碎滿



前。席。斜。無。主。獨。幽。妍。兀。坐。匡。牀。旁。無。轉。矚。掠。髮。舐。袖。  
笑。而。不。言。私。禱。云。儂。得。耦。此。生。死。可。矣。張。聖。清。者。才。  
高。筆。雋。骨。采。神。恬。造。次。將。迎。綢。繆。熨。帖。人。莫。覺。其。爲。  
廉。察。使。子。也。舟。中。載。圖。史。絃。索。悉。付。小。青。衣。排。當。小。  
青。衣。能。射。主。人。意。中。事。兼。工。竹。肉。聖。清。曰。此。西。方。迦。  
陵。鳥。以。迦。陵。呼。之。每。攜。入。竹。嶼。花。溪。遞。作。新。弄。而。最。  
不。喜。平。康。狹。邪。之。遊。謂。此。輩。正。堪。與。鬚。頭。奴。大。腹。長。  
。賈。相。徵。逐。豈。容。邪。魔。入。我。心。腑。至。是。與。幽。妍。目。成。  
者。久。之。明。日。遂。合。鏡。於。舟。次。焉。於。時。溽。暑。晝。則。布。席。

長。林。暮。則。移。榭。別。渚。疎。簾。清。簟。縈。繞。茶。烟。翠。管。朱。絃。  
淋。漓。酒。氣。幽。妍。自。謂。十。五。歲。以。前。未。嘗。經。此。韻。人。韻。  
事。即。聖。清。亦。曰。世。豈。有。閨。中。秀。林。下。風。具。足。如。勝。兒。  
者。乎。昵。熟。漸。久。絕。不。角。勁。語。媒。詞。兩。人。交。相。憐。亦。復。  
交。相。重。曰。吾。曩。過。秀。州。草。庵。外。聞。老。尼。經。聲。躍。然。抱。  
出。世。之。想。自。慙。絆。縛。不。能。掣。鞵。奮。飛。今。睨。君。串。珠。纏。  
臂。持。戒。精。嚴。同。心。如。蘭。願。言。倚。玉。十。年。不。死。請。事。空。  
王。宿。羽。流。螢。實。聞。此。語。聖。清。飲。涕。而。謝。之。七。月。應。試。  
白。下。幽。妍。送。別。青。谿。注。盼。捷。音。屈。指。歸。信。並。爾。杳。然。



及重九言旋。而幽妍先驅渡江去矣。自此低迷憔悴。瘵疾轉深。腰減帶圍。骨見衣表。王修微謂予曰。吾生平不解相思病。何許狀亦不識。張郎何許人。今見楊家兒。大可憐。始知張郎能使人病。病者又能願爲張郎。歟。郎不顧立枯爲人腊矣。聖清聞之。遣急足往視。幽妍開緘。捧藥涕泗汎瀾。媼克忍閉絕。魚雁消息不通。幽妍典簪珥。賂侍兒屬桃葉。渡閩老作字以達意焉。肩鏹斗室。不見一人。即王孫貴遊。剝啄者。指刀繩自矢而已。媼卞怒益甚。搥詈無人理。取歿數四。救而

復甦。不得已。復載之東來。聖清偵狀。義不負心。有俠客徐內史。就中爲調人。彈壓悍媼。無得故懸高價。殺此鐵石兒媼。唯唯。聖清乃納聘。迎爲少婦。稽首廉察。公遂遂如女士。且覬宜男。弗詰責也。比入室。病甚。猶強起薰香。澣衣。劈箋滌硯。聖清手書唐人百絕句授之。讀皆上口。又雅能領畧大義。每環回離腸斷魂之句。掩抑不自勝。真解語花也。病中解脫了無怖容。佛號喃喃。手口頗相續。忽索鏡自照。不覺拍几慟哭。曰。勝兒薄命。遂止於斯。又好言謂聖清曰。君自愛。切勿



過爲情癡。旁招訶笑。妾如有知。當轉男子身。以報君耳。又曰。妾命在呼吸。偃大人新宅不祥。盍移就郡醫療之。歲逼除夕。聖清歸侍椒觴。別去幽妍。惓惓喘益促。侍兒問有何語。傳寄郎君。但瞪目。搥膺不復成聲矣。蓋壬戌臘月二十七日也。聖清奔入城。且號且含。襖延僧修懺。撒葷血者兼旬。雕刻紫檀主。置座隅。或懷之。出入衣袖。衾裯間。食寢必祝。祝必啼曰。吾欲採不灰藥。乞返魂香。起幽妍於地下。而不可得。又欲金鑄之。絲繡之。倩画師寫照。百回而未必肖也。何如徵

傳高座道人爲逝者重開生面乎。余曰。傳且就。恐挑衣端。俟君病良已。乃敢出而詎料君之終不及見也。幽妍墓在龍華里。聖清選地結茆龕。祀文佛如來。償其始願。修竹老梅。環映左右。清芬涼影。颯如有人。画眉郎散花女。其將比肩。捉臂踏歌而嬉于此乎。古有廬江吏華山畿。歐陽詹秦少游之故事。糾結夙緣。一慟而卒。初意出於浮妄。今乃信爲果然。如幽妍聖清者。久判在鳳窠。群鴛鴦牒中。豈歿於情哉。歿于數也。余不忍以介靜辭爲作別傳。付子墨娥。相與流通之。



死乎不矣。

居士曰。琅琊王伯輿。終當爲情死。乃知生而不死。死而復生者。俱非情之至也。昔者吾友嘗從事於斯矣。鄙哉張君瑞。楊玉環之流也。

艷情書

僕何人。蒙畱情。若是自從相見。殮寢俱忘。如饑如渴。未足喻懷。每一念及。愁極清晨者。淒風苦雨。百端交集。恐瘦損芳肌。何以堪此。前者見重門深閉。寂若無人。雞犬桃源。總成怨境。比閭叢密。十手十目。莫可揚聲。始知藍橋咫尺。湧沒天女之河。巫山高峻。疲敝君王之夢。玉釵掛冠。羅袖拂衣。千斛画眉。一盃賜湯。未知何日也。昨見卿時。尤爲親切。垂垂墮馬之粧。薄薄鳴蟬之鬢。五光徘徊。十色陸離。束素腰支。笑楚宮之



餓○裡○留○仙○裙○幅○怯○趙○后○之○風○中○杏○花○撲○面○竹○葉○綴○衣○  
弓○鞋○襯○凌○步○而○相○宜○寶○樹○耀○長○釵○而○競○巧○珍○重○軀○骸○  
猶○掛○步○搖○之○响○粧○梳○約○畧○不○著○明○月○之○璫○雖○平○江○畫○  
地○高○城○參○雲○而○氣○發○蓮○芬○人○疑○玉○立○凝○綠○黛○之○色○秋○  
波○暗○許○峰○端○秀○色○橫○攢○焰○朱○唇○之○光○燕○語○微○傳○樹○底○  
鶯○啼○遠○道○若○卿○者○真○堪○愧○心○西○子○掩○面○南○威○倘○得○隣○  
居○甘○投○梭○而○折○齒○若○逢○同○坐○必○滅○火○而○絕○纓○寧○獨○不○  
知○而○見○以○爲○神○人○能○使○飛○禽○住○翼○走○獸○停○步○螻○蟻○細○  
族○徘徊○觀○視○而○不○能○去○苟○非○木○石○安○得○不○精○移○魄○駭○

意○趁○神○迷○彼○學○士○每○藉○口○止○情○是○亦○未○見○其○可○欲○也○  
僕○支○離○病○骨○風○雅○灰○心○才○情○遠○遜○曹○王○孫○狀○貌○復○非○  
張○孺○子○宜○取○憎○世○眼○然○相○人○多○矣○烟○霞○隊○中○未○逢○佳○  
骨○李○桃○蹊○下○莫○逞○姱○容○甚○至○秦○樓○楚○館○半○是○木○偶○之○  
粧○野○草○閒○花○皆○爲○脂○粉○之○祟○無○雙○無○對○傾○國○傾○城○非○  
卿○而○誰○樛○木○想○當○周○姥○之○詩○南○郡○尚○有○猶○憐○之○抱○况○  
僕○乎○第○賢○媛○紅○顏○英○雄○白○髮○有○不○同○時○之○恨○人○間○才○  
子○世○上○佳○人○共○居○薄○命○之○科○所○以○黑○白○易○位○輕○重○倒○  
持○黃○金○之○臺○不○起○枯○魚○之○過○徒○泣○天○荒○地○老○則○足○鏃○



羽古今通病。僕分固宜耳。又何言哉。又何言哉。但卿  
以三五妙質。銅堦苔軟。願抹輕衫。金屋粧成。願瑩絲  
髮。侯門公子。五陵年少。惜三斛之真珠。匿一雙之白  
璧。不聞十城請易。百鎰爭聘。使僕得設施妙手。此深  
可異矣。夫賈午墻高。漏洩薔薇之露。河陽今缺。枯樵  
芍藥之花。相如不窮。文君孰配。卿乎僕乎。合則雙美。  
離則兩傷。遇僕之後。聞心猿同于膏火。怨意如煎良  
會。等於填河。歡情難待。成機錦綉寸衷。與春草俱抽。  
學刺鴛鴦片念。較燠籠更熱。菱花跌碎。青鸞休舞。寶

欄摧折。綠櫻罷笑。忘憂之樹無靈。蠲忿之言誠僞。琴  
聲慵理。棋譜羞評。綽有林下之風。未遂桑中之喜。艱  
逢吉士。當爲誰榮。反側自求。飄梅可嘆。良有以也。援  
思。今昔悵快可勝。押衙已矣。崑崙不再。大夫好色。刺  
史斷腸。迴思佳麗。虎媒之祠依然。各負情痴。雁帛之  
傳何益。草木無知。猶能連理。魚蟲生意。遂成比目。既  
已同心。安能間之。卿羅帳香消。珊瑚之鈎懶掛。玉床  
塵掩。翡翠之褥如冰。啞啞枝上之鳥。飛飛幻中之蝶。  
孤單枕澁。相思魂虛。僕雖劣劣。無能可合。雌雄之劍。



翩翩自命已袖玉鏡之臺情之所鍾天媒之合匪石  
 可轉切莫勞神刻燭走筆未能噴香艷于毫邊貢珠  
 翠于字裡黃昏之鍾欲傳烏絲之箋已滿深慙牽率  
 并成七言律十首呈笑

居士曰今文君鶯鶯非烟見之當作何狀今漢武  
 見之當作何狀

中吕鮑老兒嘲沈楚雲媽

你○那○裏○想○着○月○明○來○的○故○人○只○恨○着○臨○行○時○錯○擺○了○  
 迷○魂○陣○到○如○今○只○指○望○雪○入○明○鑪○變○了○花○銀○人○如○玉○  
 博○得○个○柳○色○黃○金○嫩○你○開○着○口○好○一○似○蝮○娘○驚○蟄○行○  
 一○步○似○蝎○婆○擔○孕○斜○着○眼○似○鬼○母○初○醺○

中吕堯民歌代楚雲嘲

你○一○似○喬○楊○花○沾○淤○泥○到○處○兒○生○根○化○浮○萍○在○波○浪○  
 裏○存○身○變○靈○蟲○到○衣○服○兒○上○招○魂○那○裏○也○白○雪○紛○紛○  
 只○合○着○趁○東○風○着○地○兒○滾○



中呂十二月嘲楚雲

我○和○你○恩○情○最○親○画○得○餅○饑○和○飽○共○吞○填○得○海○乾○和○  
濕○同○趁○撈○得○月○有○與○無○並○分○鬼○打○鈹○沒○字○錢○用○了○幾○  
文○平○勃○達○忽○地○生○噴○

居士曰三捧鼓四聲猿不若此之簡促而戲傲也

○湯若士先生紫釵記都無可議惟末齣于埋名  
豪客後頗乏點綴宜將盧杞奉旨處分使李郎夫  
婦重婚出自天子不惟于小玉可當招魂亦少爲  
李郎懺悔○邯鄲夢盡善矣至採戰而曰爲子孫

謀○彌○留○而○叮○嚙○請○謚○堪○與○達○人○解○嘲○  
○牡丹亭宜  
存院本四拆至酒食先生饌女爲君子儒滑稽極  
矣○金○元○人○恐○不○能○爾○爾○





山  
林  
卷  
四



